



中国国家图书馆  
NATIONAL LIBRARY OF CHINA

中麓山人拙對卷之中

章丘李開先著

散對

繁冗衆閒花間頻徙倚

病衰在告林下久徜徉

風巉春峭花纔苞 雪少冬寒麥換苗

豪貴雲烟過眼 光陰霜雪盈顛

安排舌底波濤世事今如此

翻覆手中雲雨人情不似前

春事闌珊今日一百五



中国国家图书馆  
NATIONAL LIBRARY OF CHINA

韶光荏苒明年五十三

上堂問寢今難又 枕塊居憂古已然

一冬雨雪全無花縣今春逢未造

一載風光易過棘闈明日試初場

一時一刻即同一世心五十而慕虞舜吾嘗見之矣

三千三百莫重三年禮四方大悅滕文有可觀者焉

國虛黠虜來侵清宵傳箭攘外少良謀夢中還

### 說夢

路澁窮民作梗白晝操戈賑饑無奇策愁上更

### 添愁

將望月穿星益慎寅恭 帝德

逢元陰掩日足知仁愛 天心

鷄埒在頽簷兢兢報曉

蛛網擡飛絮戀戀留春

弄假成真非隱士 有名無實是班軍

村落愚民霸糧對面為真盜

江湖散吏施藥安心做假醫

鮮見繁花難得風光應候

不收二麥只緣雨雪愆期

歸鴉更帶牛羊下 吠犬因驚鹿豕遊

三日南風三日暖 一場秋雨一場寒

不入花門傳言鼓吹迎春急

偶經柳巷遠聽絃歌入暮繁

詩成有客閒評酒浮園菊凡三盞

睡醒頑童走報月過庭梧第二枝

隣鷄喔喔啼殘曉 社燕飛飛攪暮春

兄無弟少目斷秋風樓外賓鴻因起嘆

母逝兒亡耳聞夜雨床前蟋蟀更添愁

疑似亂麻紛莫解 愁如落葉掃還生

詩酒賡酬去春如昨方纔過

盃盤收候來歲今宵必再遊

往年吏牘勞形兩角烏紗華髮短

今日漁竿在手一鈎香餌釣絲長

愁多因睡少 交淺莫言深



中国国家图书馆  
NATIONAL LIBRARY OF CHINA

鑒戒須知卜夏喪明因哭子  
憂愁妄想劉晨有幸得逢仙  
作賦消愁孤臣放逐聲猶楚  
吟詩遣興二子摧傷調不唐  
兩年廬舍漂搖西郡窮民多遠竄  
四望風塵頌洞東山俠客且深藏  
巨寇亂惟居眼下 閒人愁復上眉梢  
早在林泉天厚哉 久居寺院雨留人  
窮達心無改 是非口不談

世態繁花兼熟火 道心枯木與寒灰  
十年未上平胡表 兩度虛為賀子詩  
一身急務惟生子 滿眼閒愁不可人  
自在田間無艷曲 曾遊塞上作饒歌  
海寇猖狂當碎骨 山人僻遠亦關心  
坐雨聽鳴鷄孤燈待旦增新慨  
衝風馳踣馬一劍橫秋感舊遊  
交遊門下多羊仲 衰病林間一馬卿  
燈花頻報喜 萱草可忘憂



中国国家图书馆  
NATIONAL LIBRARY OF CHINA

景蕭秋深千林喬木先黃落  
蟾明夜半一道飛泉遶翠微  
樂觀土壁宜春勝 不掛金門待曉圖  
閒惱易增頭上雪 謗言直當耳邊風  
心如翠栢凌寒節 身似黃楊厄閏年  
常有鄉人來乞藥 不煩里正苦催租  
追悔營家非上策 不如閉戶誦南華  
露草元為歌舞地 霜華正是沈寥天  
治世良臣論語未能道晉

遠鄉老叟孝經難倒溫公

蛙鼓喧闐能樂客 螢燈閃爍解迎人

早出鶯呼燕請 晚歸鶴怨猿驚

野寺淹留只為主僧能好客

山齋寂寞時從羽士話長生

山川好處多藏寺 市井繁時起戰場

莫教樹倒猢猻散 常使花開蜂蝶忙

鹿觸遮花檻 猿看煉藥爐

聞寄新書無非詩客兼詞客



跌開古硯不是書童定畫童

翻騰洪水驪龍怒 點綴青山白鷺飛

喜餐白社千頭橘 學種青門五色衣

牢擎陸地湏鰲背 界破青天是鴈行

得嗣方貽厥 無兄難友于

仰視玉繩低夜彩 起聽金笛送秋聲

新會當人日 舊遊半老年

與誰斟酌山中酒 獨自推敲月下詩

靜測三垣較升沉於斗漢

詳觀兩戒分脉絡於河山

有興欲為平子賦 無才難擬長卿文

嘯歌四鼓銀蟾上 博劇三枝絳蠟殘

雖為故國漁樵侶 只憶長安飲博徒

夜遊每厭晨鷄報 秋賞俄聞朔鴈迴

月館傳盃映日珠 簾圍紫霧

雲湖放舸照天蠟 炬吐青烟

遙觀天外秋鴻雙飛雙酒涕

靜聽檐前夜雨一點一聲愁



中国国家图书馆  
NATIONAL LIBRARY OF CHINA

急棹歸舟鶴放山中有遠客

閒遊古寺龍降沼底是高僧

官柳兩行曾赴選 農桑百歲且偷閒

若談官府真饒舌 適歷村坊散鬱懷

山狸夜竊簷前鴿 野鷺時噉沼內魚

呼隣共酌連糟酒 餉野惟携脫粟羹

霜槐見日無留葉 雨荻迎風有墮花

業緣謝早辭官決 花事收遲待客歸

罇前有妓從賓鬧 膝下無兒奈老何

黃石畧平生最熟 黑山程到老難經

病向名醫求善藥 閒尋文士校亡書

君子安貧歲寒自是松操厲

樵夫失望冬暖誰知柴價廉

人龍姓滿三千界 天馬名高十二閑

哀絃鳴錦瑟 醉墨寫烏絲

補袞空慚襪線 藏詩借用藥囊

才名要比陳驚座 謀畧爭如李左車

日月雙飛鳥 功名一篆螭



中国国家图书馆  
NATIONAL LIBRARY OF CHINA

決計一朝辭鳳闕 雄韜何日贊轅門  
下有良佐上有明君自古明良鮮遇  
外無曠夫內無怨女于今怨曠為多  
武烈文謨方冊俱存文武政  
聖經賢傳日星猶燦聖賢文  
民無恒產因無恒心有因乃爾  
人有大才必有大用不必皆然  
閭里居民日中方食貧之故  
市廛丐者雪後飛行寒所驅

有裾不向王門曳 杖策曾為帝里遊  
遠渚屯雲色 漏房閃月光

喜有琪花粧盛景 柰無金藥制頽齡  
早酒連糟醒夙酒 夏衣抽線補冬衣  
何須方朔為哀命 可笑楊雄著反騷  
落筆成文天馬行空難著跡  
賦詩寫怨雲鴻帶雨有餘音

燁燁門闌協氣滿 依依墟里炊烟高  
踈踈梅影含星曙 淅淅泉聲帶雪寒



好遊那怕囊貲少 不飲從教酒價高  
陳情李密名身後 獻賦揚雄顧眼前  
悔開鄴架閒邀客 悞把農書贈與人  
里老下鄉鷄上樹 兒童進學鳥歸籠  
園丁報道桑麻長 田父欣收麴麥多  
人間知日永 雨少怨天高  
自勵黔婁節 休嫌仲蔚貧  
雲向牕中入 泉從座下流  
山深秋最早 地僻夜偏長

數時探節須通曆 謝雨祈晴有社條  
妻喪兒殤偶同騷客哀時命  
男耕女織不似詩人賦亂離  
親情要比朋情厚 詩債常同酒債多  
鷄聲叫落庭梧月 兔魄光搖隴樹霜  
雲霧東歸烏龍天 矯吞滄海  
雪霜下降白鳥翩翩颺碧霄  
風偏愁處急 月向別時圓  
那堪風漸瀝 不分月團圓



金鷄啼徹紅樓曉。玉兔寒生碧樹秋。  
夜月比隣聞旅笛。夕陽斷港泊漁舸。  
志同鴻鵠常千里。心願鸞龍聚一堂。  
懷友登樓重遮望。眼雲千頃哭兒拵。  
袂欲斷愁腸日九迴。  
賞月通宵喧鼓角。阻風十日纜舟航。  
西沒東生飛走紅輪無轍跡。  
外脩內養撥開玄竅有機關。  
飄飄霜葉常依樹。輕薄風花不戀枝。

仕宦亨也百歲之間俱過客。  
文章顯晦千秋而下必知吾。  
開遍千花方是夏。纔飛一葉便知秋。  
風帆兢渡斜陽外。霜角吹來缺月邊。  
不用揲著占去就。直須彈鋏賦歸來。  
虛譽亦曾聞上國。陋文愧不及西京。  
風捲殘雲徒歷亂。烟籠缺月助淒涼。  
詩書重托寧無托。盃酒輕交豈善交。  
風定露零凝曉淚。月明雲淨辨秋毫。



月朔又頒新歲曆 冬殘未枉故交書

月出鈎簾坐 風高岸幘遊

鴈飛不到處 人被利名擗 欲寄音書難 借鴈  
鷄唱睡濃時 吏催朝謁早 覺來梳洗側 聽鷄

霜樹枝疎三星常在戶

風牕紙破孤月偶登床

思親不見影 哭子復吞聲

能詩謝朓將焉用 善嘯孫登是所希

矯矯人龍天下少 哀哀旅鴈月中單

雲淨蓮舟常載月 雨多茶竈不飛烟

一事無成全憑末造時光好

百年過半有似中秋晝夜停

霜荷無半葉 風樹有交枝

秋季初旬向晦海雷猶振響

望前一日將明斜月始收光

餘輝留墮月 逸響激頽波

知味不須殽掩豆 飲情那在酒盈觴

念被三旬可惜丁年年景遠



中国国家图书馆  
NATIONAL LIBRARY OF CHINA

降子八月生嫌卯日日千微  
飽須頻緩帶 醉不柰飛觴  
風露方交秋未老 星河已轉夜將闌  
貯觀滿月臨黃道 更有群星拱紫微  
鮒居涸轍惟思水 鳥在危巢願息風  
歷世為農播穀生涯元有種  
十年遊宦飄蓬踪跡嘆無根  
抹月披風不用調羹之手  
擲風沐雨堪宜衣褐之身

大盜困鄒藤城上不聞飛一箭  
老僧等胡越寺中兀自演三車  
若平草寇須都護 先滅花當用韃官  
哀哉子喪無多日 甚矣吾衰已有年  
每惜分陰日月無停晷  
常存一念江河不斷流  
高望銷愁峻嶺摩天難得路  
遠遊覽勝長河接海嘆無梁  
詩到淡中方有味 人須短處去求長



五城十二樓要住仙人第宅  
六道百千劫能超釋氏輪迴  
困泥淖而伏鹽車不道途中為走馬  
翦撐犁而階尺木始知井底有潛龍  
洞開樓觀邀明月遙望山川間白雲  
夢且多愁醒又甚饑難加飭飽休論  
夜讀蘭膏殘復續午食菊酒罄還賒  
積愁推不去冗事應湏難  
古劍光芒貫斗牛而除水怪

新詩爛熳愁花鳥而走山靈

開罇強飲真無興出戶俄迴若有遺

鐵限當門百年人做千年調

泥鞵掛壁十日春無一日晴

兩目頻撐因望遠百尺樓邊萬里橋倍增感慨  
寸心欲折為愁多七絃琵琶千鍾酒難得消除  
白日苦相催紅顏難得再

緇塵行處有綠鬢舊遊稀

吞吐風雲惟古洞蔽虧日月有深林



謳歌重有周郎顧 游說休誇季子能  
解疑不用如天問 講學還須有日程  
簪花壓帽蜂相趁 曲木如弓鳥亦驚  
行行行未已 望望望偏賒  
小雪初零青山頭半白  
雙泉湧出白石眼偏青  
帆影照穿千頃浪 砧聲催動一天霜  
日者春深斑鳩喚到桑麻雨  
今而夏盡白馬驕嘶禾黍風

飄風忽送千山雨 疾電驚聞百里雷  
習習風微雲不散 瞳瞳日上露方稀  
漁航未造空閒水 農器難全必借隣  
春作秋收長日寧無懶作者  
晚眠早起通宵更有不眠人  
書積已過三十乘 詩成約有百千篇  
日墜平樓纔斂耀 風高橫笛遠飛聲  
座上名姬舞腰風柳交相軟  
堂中飲客醉面霜花兩闌紅



京國早辭不得螭頭揮彩筆

園亭秋宴閒觀蟲口吐青絲

無計積薪熏社鼠有懷韜箭射天狼

夜靜焚香常拜斗更殘殺鼓便鳴鐘

病作兒啼眼暗檢方頻舉燭

夜闌人靜心忙乞藥誤敲門

露滴花殘籬菊依然呈晚色

霜飛葉脫庭槐尚爾起秋聲

徐呂洪淤豈知懸水三千仞

鄒滕盜起不得安居百萬家

善善長而僥舌短勞勞息而道心生

莫謂無知欺暗室常因不寐看明河

官罷得閒謳歌啞啞為詞客

母亡未葬憂瘁累累作罪人

霜凋敗葉供厨竈風擺樛枝掃院牆

山寺泉飛聞梵樂香臺月上闔圓光

久病秋連夏叢愁夜抵年

壽至百齡如逝水功虧一簣壁為山



天邊推出曠曠日 地上旋消凜厲霜  
寇薄山西難在大同門不守  
民逃境外只因兗府水為災  
指日尋真三山歷歷遊三月  
連年拜闕九地遙遙望九天  
若愛高官政府權門甘伏謁  
寧為狎客歌臺舞榭且閒遊  
師李群兗憑凌歸德府  
毛汪二寇竊據普陀山

擊磬始知金氣肅 授衣只為火星流  
但遊超曠情偏暢 稍涉拘羈志不舒  
銷繳旅愁惟夜寢 應酬人事又晨興  
仰視天文雷收虹不見  
俯窮地理虫蟄虎方交  
傳聞寧靜方迎敵 又報延安未解圍  
聖主納言天開黃道 皇儲開讀日麗青宮  
風細香烟裊 日寒井氣昇  
水激山根出 雲垂雨脚低



驚起魚龍長江水  
泥三更月  
難接燕雀破屋茅  
飛八月風  
設席延賓殘臘酒  
行三爵暖  
讀書應舉蚤年座  
擁一毡寒  
孝子不登高况逢  
忌日  
大夫慵作賦虛負  
重陽  
九日連年不雨  
兩朝過午猶風  
南風似北秋將老  
北斗斜南夜轉長  
飛蓋鳴騶官大憂  
愁大

執兵扛轎庄多迎送多

破帽不禁風蕭蕭水落龍山瘦

敝簑猶耐雨穰穰禾收鷄肥

煉成丹藥妨猿竊  
開敗黃花免蝶忙

掩書長閉目  
對酒暫開懷

一點孤燈挑夢破  
數聲殘角喚愁迴

園有好花罇有酒  
案無諫草索無錢

酌酒賞中秋閉戶  
非嫌臨榻月

讀書將半夜掀簾  
怕有滅燈風



中国国家图书馆  
NATIONAL LIBRARY OF CHINA

雨急風儻必交正午纔天暖  
雲愁日慘未到嚴冬特地寒  
堆床方冊常千卷 懸榻團茅可二間  
與客相忘先上座 憐子過刻在彈棊  
南村北嶂情厚交疎花深草盛山無路  
西舍東隣愁多睡少雨驟風狂上築牆  
月前燐火遠 山後獵原平  
嵐遠壺觴晨起造門山有脚  
風推戶牖夜來窺榻月無心

凌兢馬足多山路 曲直蛇形是野田  
灼灼山花猶帶葉 青青隴麥已盤根  
山有仙跡須敬訪 路經祖兆倍含悽  
風息山彌望 月昇路不迷  
清肅天高秋山寂靜 黃昏月出夜壑分明  
天宇澄清再賦悲秋之賦  
月臺昏黑重愁靜夜之愁  
久逐勞塵摧客鬢 盡嘗世味淡人心  
過後尋思始知烏帽為愁帽



從前莽蕙幸免華階作禍階  
稽滯瑤函休將音信憑鴻鴈  
沉埋寶劍難掩精光射斗牛  
牛羊得飽生芻茂 鷄犬皆靈大藥成  
堦下穿渠防驟雨 山顛起榭礙行雲  
風在牕外鷄聲小 雨久牆頭蝸篆長  
蒙密荒榛多有刺 槎枒老樹半無枝  
月墜孤光庭樹暗 雲生五色海波明  
遠岫如螺千山月映千山雪

澄江似練萬里雲收萬里天

檀板迎風歌麗曲 古碑積雨剥雄文  
月掛松梢橫素影 泉經石隙瀉寒流  
狡童鬪草偏能勝 嘉客看花不厭煩  
富室園花濃似染 貧民家業少于車  
不邀自至惟明月 一去難留是素波  
對門呂祖曾遊處 隔壁麻姑屢降壇  
孳牧由人奴僕必須調既馬  
生成仗主兒童不許打巢烏



中国国家图书馆  
NATIONAL LIBRARY OF CHINA

宴遊侑酒編新曲 祭祀登歌奏古詩

螢飛原腐草 蛭墮絡游絲

栢挺舊枝當客舍 竹抽新笋過隣居

幾番賒酒旗亭下 兩度羸棊藥肆中

烟柳鎖長亭奔走可憐名利客

雨苔侵斷碣摩挲時有牧樵兒

松檜拳聯屢坐梵王三寶地

竹梧爽豁耽遊兕率一層天

廢寺倩誰驅鹿豕 荒墳無主聚牛羊

罰依金谷酒 渴飲玉川茶

雖能死求難尋藥 只恐調羹俗了梅

疑慮休存盃中誤認爲蛇影

歡娛未已絃上如常作鳳聲

天邊過鴈愁成陣 月下啼猿恨失群

月中帶影三人舉盃興盡罇前酒

天下知名數友搖筆詩分席上題

打場饑鳥聯翩下 撒網遊魚潑刺鳴

懷人聽老淚 對客問衰容



中国国家图书馆  
NATIONAL LIBRARY OF CHINA

暢懷對月琴三弄 得道飛空劍一雙  
萬里關山悲牧笛 一江風浪纜魚舟  
迹樹蟾聲催暑去 橫空鴈影帶秋來  
不羨貲財齊北斗 要將聲聞播南天  
苦戀明時居任久 羞歸故里乞休遲  
愁壓眉山重 事閒足跡稀  
在朝拂破歸山袖 避地湏撐泛海舡  
壽欲後天而老 功湏如月之恒  
秉燭觀棊熬病眼 敲冰煮茗潤詩腸

拘溺陰陽千潯海底撈明月  
推談命運萬仞山頭去捉風  
源潔流清帥正而為民之正  
風行草偃罔中而惟爾之中  
木落山應瘦 舟行岸自移  
龍潭窅窅深無底 鷲嶺高高直挿天  
雀穿松子落 鴈逼菊花開  
徂年真逝水 晴日好遊山  
蒸雲裊霧長松樹 洗雨梳風嫩柳條



雲月初離似月行而雲住  
風霜俱厲必風息而霜飛  
絕地天通通天人爲少  
迅雷風烈烈風雷雨弗迷  
天仍欲雨雲雷駛 露未爲霜風日佳  
麗日舒遲喜布勾芒之令  
景星燦爛祥占象緯之書  
二麥雙岐可是農人之福  
一花五葉休聽釋氏之誣

才高須有養 志大恐無爲

騰聲譽於河東薛君比鳳

妙言辭於柱下老子猶龍

若果勤勞安百姓 方能談笑解重圍

緩護元戎須有將 贊承廟畧不無人

疾走尚同中歲健 高歌不似少時狂

瑞靄千層圍洞府 紅塵萬丈隔蓬萊

呼童問道花無恙 與客協觀柳欲眠

一行征鴈傳寒信 萬點歸鴉噪夕陽



中国国家图书馆  
NATIONAL LIBRARY OF CHINA

休嫌驚夜犬 思補失晨鷄

破羈不稱青絲鞵 劣騎何須白玉鞭

元夕輝煌萬點燈 光無遁照

朔朝鬱馥三枝香 炮有餘烟

初懇芝田生白玉 未乾泥竈養丹砂

養弟子以萬鍾式國人以及大夫時子因陳子

無求脩於一人隆大臣而念親舊周公謂魯公

隘第大如舟矮樓高出屋

小山正對戶幽徑曲通橋

斑白老儒雖不偶 青華公子莫輕嘲

青陽又見銅渾轉 淑氣能將玉律調

正午深山纔見日 暮春幽谷未溶冰

愁裏詩詞翻得意 病餘藥餌始收功

陋巷多藏扳桂客 深閨必有惜花人

晚麥雨頻終不實 好花風定也聞香

靡草先生難歷夏 病桃晚放不爭春

禾旱難蘇夜雨下 須還再下

樹枯怎茂春風來 似不曾來



洞栢無霜難見節 庭筠穿石亦虛心  
勝境須遊休放過 良辰不樂再難來  
間地老萊西伯善行養老政  
顛崖孤竹程嬰曾說立孤難  
但有酒罇同食壘 便遊道院與禪堂  
可代貧民三畝賦 只消賈客一篝燈  
栢檜瓏璁舒雨幹 亭臺縹緲隔烟蘿  
水緩遊魚常作隊 風狂過鴈不成行  
床窄懶番身全憑覺補

得偏因折脚急用執支

雨連登高閣上 嫣然一笑大江邊

明牕過目書三卷 暖榻周身被一床

小筴蜂腰鵲鶴膝 古松龜甲老龍鱗

谷深稀見日 山靜遠聞泉

操刀代割非吾事 捏佛燒香乃世情

任跡幽踪干寶搜求盡

洪文大冊陳琳奏記工

陪祀趙朝疾走馬蹄紛似許



中国国家图书馆  
NATIONAL LIBRARY OF CHINA

迂齋赴會斜騎牛背穩如牆

管倉居近四隅頭一第佳客旋馬

歸里路逢三岔口多岐自是亡羊

打獵無心犬摘金鈴休懼兔

慢遊釋興馬雖玉轡不如驢

與客狂歌不免隣翁笑

携童緩步強如驛吏迎

望洋錯認水 猛氣欲移山

嘗聞樓號摘星奚必伯夷所築

可恨堂名偃月不殊盜跖之居

矯八翼於雲衢小人寡福

潛九鱗於月渚君子知幾

驕奢池館裁紅藥 隱逸門牆鎖綠楊

周流孔席何曾暖 久立程門不畏寒

蟻聚蜂屯日方中而市盛

鷄鳴狗盜天未曙而關開

飛雹敲牕驚雷破柱疾電旋梁惡少遭之錯愕

飄風覆瓦驟雨傾牆驕雲擁戶善人處以安閒



中国国家图书馆  
NATIONAL LIBRARY OF CHINA

觀于海者難為水 惟有樵夫可語山  
再入寺中因避雨 舊題壁上已生塵  
鷄肥倉正滿 蟬壯酒新驚  
黃州作守何為者 赤壁鏖兵亦枉然  
柳邊把盞情偏洽 松下安床夢亦清  
金盤盛白露 玉杵搗玄霜  
困歎菊枕醒憑几 饑啜松花渴飲泉  
莫謂赤心新友好 不如白髮故交長  
射利貪夫手放皮錢隨日長

慣賒飲客面烘薄酒見風消  
蒙教須嚴古說棒頭生孝子  
色情太重今休燈下看佳人  
梅帳安眠一塵不到 蒲團坐萬境咸空  
志少風雲不將雨笠輕離首  
食多烟火賴有霜梨冷滲腸  
習靜牕間永日 避喧門掩殘霞  
禦虜全憑糾糾雄夫雙寶劍  
生兒不必盈盈仙子六銖衣



中国国家图书馆  
NATIONAL LIBRARY OF CHINA

文名無用碑休打 心地須明鏡早磨  
沙暖雙鴛鴦 天寒獨鶴飛

已消烟雨江天恨 休惹風花雪月愁  
咀嚼菜根真有味 貪饕餮足愧無功  
俗子何愚拾殘經而談佛室

淺夫不量操布鼓而過雷門

章臺柳絮情偏蕩 紙帳梅花睡正甜

熱場角逐終無益 冷地棲遲夙有緣

內廷畫策能懷遠 北狄投戈免犯邊

雪消頓覺梅花瘦 雨足爭食莧菜肥

相伴愁人一盞殘燈明又滅

不眠病客半床薄被卷還舒

寺廢獨存寶塔 臺空時聚金沙

與客穿盃量挾紅先主面

因妻照鏡愁多白了人頭

舞女緊旋迴素雪 歌童揭調過行雲

霜葉飄堆砌 風花亂撲簾

燈燼難舒衣帶結 花濃偏壓帽簷低



鶯舌偶從歌扇轉 蛛絲疑是舞衣輕  
不遇飄飄東蹈海 無勞咄咄左書空  
風散投林宿鳥 雲遮隔渡牽牛  
老朋舊友交相款 少婦新郎意不如  
罷釣白魚上市 輟耕黃犢歸林  
向天賒得冰蟾出 坐地勤將綠蟻斟  
漏風破扇經三夏 帶雨疎鐘鬧五更  
高唱大堤頻擊節 相逢袂路且迴車  
拔木揚沙漫道狂風難過午

排山倒海誰云驟雨不終朝  
遊覽情酣倏過鴉林三五處  
躋攀力倦翻愁蛇往百千盤  
為人稜角非中道 與世聲牙落下風  
霜後葉遭風紛紛似雪  
雨餘花映日燦燦猶霞  
越調當筵翻舊譜 秦箏促柱發新聲  
窓外雲遮飛鴈影 簷前雷嚮聚蚊聲  
毀譽人言紛以定 盛衰物理固其常



笑聲曾逐歌聲遠 舊恨纔消新恨多  
水秀山明錦藪藪 天清地曠浩茫茫  
既望共欣卿月滿 近年更覺客星明  
禁師善撫龜山操 丹客爭傳神水經  
曾餉邊城羌笛一聲胡虜嘯  
遠遊漢水洞蕭數闋楚人歌  
君除煩惱無過酒 惟有清閒最直錢  
嘗擁敝貂穿細柳 更騎驕馬出長揪  
苦戀明時朝退垂紳多士後

濫居選部廷推簪筆九卿前  
梅軒淡月疎秋影 茅店微風散早烟  
彩鳳飛鳴嘹唳曉琴聲來別院  
烏龍倒掛淋漓墨跡醉題牆  
有酒千鍾醉不休 涸魚得水  
積書萬卷何曾讀 老鼠搬薑  
鴈不傳書祇爲晨霜報信  
虹非獻瑞翻將暮雨收聲  
三更有月輝重暈 萬里無雲混太清



有時閣筆詩無興 到處開罇酒有緣  
正當雲淡風輕日 又是金生水旺時  
不聽苦口良言甚有慙於孟子  
惟是甘心遠遁不復夢見周公  
好將警句填詩卷 莫為浮名廢酒卮  
無子多愁懶上三層畫閣  
救人一難勝修七級浮圖  
悶對半輪千里月 胡編百詠一江風  
詛楚文巫咸能照鑒 過秦論賈誼豈輕狂

鴈斷三秋以盡

虹藏十月之交

日破曙烟難破恨 風消殘暑不消愁  
寺中欲倒蒙塵佛 路上猶來乞福人  
獨立蒼松能傲雪 先零病葉不因霜  
雪月有詩堪入畫 江河不浪可通舟  
處事錯時因少筭 得人嫌處為多言  
堂不張燈宵有月 門長却帶晝無塵  
山前雲霧牕中出 天上星河水底沉  
不風冬日淡 將雪暮雲黃



中国国家图书馆  
NATIONAL LIBRARY OF CHINA

律已無愆一介於人不取也  
為農有獲萬鍾於我何加焉

曉霧籠山山戴笠

朔風颭水水生鱗

皜皜一輪山月小

茫茫萬頃水雲寬

有雨不滋偏愛菊

無風亦落倒垂蓮

寒暄不改冬青樹

朝暮相殊夜合花

止飄一葉秋梧老

尚帶殘英晚菊香

要使文章藏石室

不將名姓掛金閨

傳報榆林多掠牛羊歸醜虜

怕遊拓寺不將車馬惱閒僧

譜本徐門龍歸洞府

絃鳴徵調鴈過衡陽

僻性難留宿衛

閒情只可林泉

楓嶺猶啣日

蓮塘欲合冰

果熟因多自落

瓜生鮮渴須剖

凜冽風來透骨

徘徊月出當心

幾盞菊花醪可代園丁晚膳

一爐松葉火又添家衆冬衣

忽見寒梅放  
迴思春草長



中国国家图书馆  
NATIONAL LIBRARY OF CHINA

樵子儲薪可給三冬之用

嘉賓對榻平分一日之光

莫把秦娥為路柳 常同楚客賦江離

堦下群花紛紫翠 山頭高樹接青蒼

吠犬三頭司夜警 此君萬箇伴冬吟

旁及無辜堪切齒 中傷善類可寒心

梅花未落休吹笛 雪葉初飄即詠詩

函章曾獻闕 解綬早還鄉

重歸近境關山道 即欲移家滄海濱

夾砌殘花盡 盈庭落葉深

處事無機事 隨緣結善緣

水際閒行喜見漁家嘯傲

山中久住不知人世興衰

寂靜聞天籟 藏修吸月華

龍劍誰能占斗氣 虎鈴不但辨星文

飲牛臨月渚 跨蹇度虹橋

洞裏月臨增翠碧 窓前雲散湛虛明

聚集高賓遊月館 追陪文士躡雲衢



鷄唱東方白 龍潛北海清

兩日飲乾三石酒 一冬讀徹五車書

罵座難驅貪酒客 擊門猜是借書人

漏盡銀河淺淡 更深珠斗爛爛

雲合天花千片落 露濃月挂一枝香

老年休唱當年曲 今日重刪昨日詩

書冊塵蒙心懶讀 笙簧鼎沸耳愁聞

冬前旬日桑猶葉 閨後重陽菊未花

就中也有虬髯客 世上無多鶴髮翁

水月夜來可掬 山嵐秋盡方消

在朝不肯交中貴 遁野長應作外臣

剛方觸物投閒早 愁病迎醫得效遲

月暗花無影 山幽水有聲

難得驅愁千日酒 怕聞破夢五更鐘

手內原無寶鈔 鬢邊間有銀絲

堂中香霧滿 簷際彩雲留

歌詠歸詩社 沉酣卧醉鄉

細思勤苦青雲客 豈若接連綠野人



詩客因窮詩更妙 酒朋爛醉酒偏親  
採蓮未久池水結 賞菊重來園景非  
任人當面或呼馬 且自藏身不作犧  
騷客風魔帶醉胡題筆亂道  
達人事業無過高卧與閒遊  
雨久綠楊蘸水 風狂紅藥翻階  
也曾飲馬長城窟 不復鳴騶大市街  
魏文塘上行非今俗調  
梁武江南弄太古遺音

莫將隱者操 彈與達官聽  
不防常是山林主 遮莫權為湖海賓  
久別不通姓 相看知是誰  
棲息已超人境外 送迎不出客廳前  
蒲路芊芊春雨足 時生細草  
沿堤裊裊曉烟多 處是垂楊  
悲甚翻無淚 債多却不愁  
調歌須促席 按舞且停盃  
靜坐參禪多自悟 遠遊得句向誰誇



朝著連年勤選將 邊陲何日可擒王  
炎涼世態常千態 勞逸人身惟一身  
長得太平為處士 勝如烜赫位通侯  
堪哂戕身還獻玉 由來讒口可銷金  
山色朝排闥 濤聲夜撼床  
以酒澆愁難得醉 無奇可問反蒙嘲  
既然逢末路 不必問前程  
漸覺行年居客右 有時浪迹遍人間  
半生行好運 三考際昌辰

愁生如有種 毀至本無端  
巡更鳴夜柝 向晦急秋砧  
但能傾魯酒 奚必弔湘纍  
夫人不言言必有中 君子務本本立道生  
無事支頤看暮雪 有時晞髮向朝陽  
山居苦渴思朝汲 水耨含饑待晚春  
珠履不如蠟屐 繡墩難比蒲團  
萬貫收書裝束須千貫  
白金買劍飾磨又十金



參較光陰去日若長來日短  
籌思仕否今年為是昨年非

不能由象識心窮義理

安用撐腸拄腹富詩書

既叨重望又做高官古來幾箇揚州鶴

不喜遠遊且無近客世上偏多醜癩鷄

掩耳惡聞蠅止棘 凝眸喜見鵲穿枝

揮戈不把驕胡走 按劍空貽壯士羞

愛花遍設笆籬護 分果權將斗笠擎

鵲喧遊客至 蚤老小姑忙

聽法留禪榻 參玄著道衣

寺邇詩僧來自數 橋危行旅過應稀

夜織殘機聲軋軋 晨炊破甑氣蒸蒸

着暮聊遣興 中酒暫忘憂

尋梅不效袁安卧 採菊欣同陶令閒

約日登山久雨未晴先借馬

有時釣水微風煽煖集遊魚

莫便相輕耕釣者 安知不是隱淪賢



中国国家图书馆  
NATIONAL LIBRARY OF CHINA

殘菊紛寒蝶

疎槐啅暮禽

黑雲向北雙龍立

皎月沉西獨鶴歸

風香不散攀仙桂

月影難臨翳女蘿

焙茗香聞別院

澆花水溢旁畦

筭多基必勝

愁極酒難降

要採山花隨舞蝶

遠收野蜜趁遊蜂

雨水已添池水滿

雲山更比雪山奇

一生不蓄干時策

二季長為賽社文

小園刺眼惟黃菊

古墓傷心有白楊

難但付好詩題景物

惟將行樂副年華

對客揮毫狂興發

携童跨蹇遠遊迴

追隨道友長為客

觸忤權臣早罷官

雲拖雨脚風雷迅

月到天心星宿稀

提壺臨月嶠

掛席犯雲濤

博物方能窮物理

迹人非不近人情

遠利何嘗稽債簿

埋名久不閱除書

身羈千里外

心在萬山中

病酒連年交茗客

探玄逐夜禮茅君



中国国家图书馆  
NATIONAL LIBRARY OF CHINA

駐月流星幾點漁燈驚宿鷺

穿雲裂石一聲牧笛亂飛鴉

長歌能當哭 強飲不成歡

看山雨後仍前秀 玩月江中分外明

采芑采蓮兼采藥 栽桑栽棗勝栽花

筆底文高休成鸚鵡賦

甕中酒熟免典鸛鷄裘

遠岫出雲兼吐月 虛窓裊霧更含風

胡語堯離笛中吹出涼州曲

羽聲恍慨筑內翻為易水歌

高陵曾是谷 蕭寺鞠為田

力衰難釋杖 興至尚捶丸

朝報僻鄉鮮見 夕烽何處傳來

秋水似油花似錦 晚山如黛草如茵

寶劍有雌雄暫離復合

銅錢分子母使去還來

萬事心慵只因心似割

半生淚少從此淚如傾



水逝幾時迴祇因大海偏能納  
春歸何處去試問東風亦不知

不雨自生惟宿草 無風亦舞是狂花

自逐犁牛耕近地 不鞭羸馬走長途

朦朦月沒須防盜 獵獵風來吹倒人

詩成客去追難及 簡被人催語未工

對景逢辰要在人生行樂爾

阻風苦雨誰憐客子益妻其

皺手調琴懶 哀容對鏡羞

鹿踪尚濕溪相近 蟬翼難乾雨太頻

終日敲碁高手尚然饒一馬

前年判袂知心不見惠雙魚

始信空門惟妙悟 暫遊蕭寺解凡勞

買地日多自笑陞成都掌管

去天年遠誰云復念舊銓衡

寺近不時僧擊戶

林深長日鳥窺簾

晝夜奔馳泉源從地湧



中国国家图书馆  
NATIONAL LIBRARY OF CHINA

春秋代謝斗柄撥天回

天高春雨少 風定暮雲多

鑿落注春醪嘉賓齊祝壽

雕胡餘晚飯頑僕亦沾恩

霜重山如瘦 風輕雲似癡

濕熱難晴兩月今朝纔見日

久陰易雨片雲少頃即漫天

人情有似秋雲薄 酒興無如社日濃

夜雨偏教田父喜 秋風又動塞臣愁

久用知牛性 因呼得鳥名

雨後清風松竹滿園聲滴瀝

霜前白露蘆葭夾岸色蒼茫

漁村依柳岸 僧舍隔松林

色美能迷斷慾全憑三尺劍

調高寡和知音獨有七絃琴

追思客寓難眠鷄唱五更纔落月

兼恨親闈久離馬行千里只瞻雲

決歸不卜床頭易 無病休忘枕上方



中国国家图书馆  
NATIONAL LIBRARY OF CHINA

自喜甌中常有粟 不愁門外可張羅  
一簾夜月撩詩思 萬里秋風感壯懷  
秋鴈排空鷹攪散 昏鴉滿樹鶴難棲  
今夜鷄鳴落月前 不驚穩睡  
昔年馬走飛塵裏 曾赴嚴程  
雨多墻倚木 風急塔搖鈴  
雨雪淒迷宦邸孤身歸恨晚  
風霜慘烈客途兩鬢颯驚秋  
錯過黃鸝社 貪看白鷺洲

閒由勢利輕入 皆自得  
毀為聲名重 貴在知稀  
披閱多年案上冊 書三換  
寂寞竟日樽前綠酒一開懷



中麓山人拙對卷之中終

中麓山人拙對後序

士君子通籍金閨垂紳玉闕凡有詩作多做唐  
賢或應製或早朝金玉宮殿色象之詞無不櫟  
括成章及至遺榮物外投老丘中驟爾不能為  
隱逸之音已而讀陶孟有得所言始與遇合予  
之於對亦若詩然初猶蹇澁以出京無樂尚循  
故步久之與世相忘吐辭稍順隱逸對語積百  
成千分為二卷名以中麓山人拙對巧非不欲  
才力限之也詩有長篇意猶不盡對則取足於



中国国家图书馆  
NATIONAL LIBRARY OF CHINA

兩言之間亦云難矣夫在朝言朝在野言野同一鴈也嗈嗈而春啖啖而秋予惟隨所遇而鳴其盛耳敢以對而擬詩哉

嘉靖癸丑冬至日中麓李開先書

中麓李隱君居常作對俱太平之樂曠達之言自老堂辭世愛子連殤面少光澤之色對多愁嘆之聲起自嘉靖癸卯止於癸丑得對共一千聯予嘗就而錄之歸藏篋笥恐久而散逸因謀諸梓以廣其傳或資之以作表判或揭之以輝

門庭不獨教童子以能知聲律亦可使儒生觸類乎詩文他刻書者或不切於日用此則非其比也觀者料必於予言而是之校正予與清渠霍潭孔村黃元吉龍塘李唵少菴弭子方書者劉廷儒助工審守家錫一元董工則名金名國珍二張氏子云

嘉靖三十四年歲在乙卯六月念又六日胡川

李思祿頓首謹跋

二磨原自上下相對昏夜離之必須摩擦許時



中国国家图书馆  
NATIONAL LIBRARY OF CHINA

然後相合惟注意於臍臍正而入之無難合之  
甚速矣中麓作對盖有工臍簡要之法不但才  
敏學博而已不然豈能多若是使其能多又  
豈得精絕若是哉西墅<sub>三</sub>希閔近刊詩成復謀  
於予刊此其弟繼先內弟<sub>亦</sub>張波恐中麓兄不欲  
也逮則以為百詩千對<sub>世</sub>所絕無者刊而布  
焉自是不可已之事不可無之作也安問其欲  
不欲耶

鶴泉高明跋

夫文體殊而理致同詩言殊而精妙同對雖非  
文非詩而理致精妙卒歸於同而已中麓一時  
而文數篇一韻而詩百首十年而對千聯人謂  
其學力所致然觀其理繁應劇送迎談奕不少  
暇而清興愈勃歛用世之大才而為忘世之至  
樂以為專於學力及徒工詩文與對者其亦淺  
之乎知中麓者歟

栢巖張克恭跋

中麓對二卷淺易而遠清新而老雄渾而峭的



中国国家图书馆  
NATIONAL LIBRARY OF CHINA

當而竒險怪而暢每據其上句或藏其下句或念一時忘記與衆友各足成之及出原稿始知念不能到高不可及楊東江謂讀是對如讀水滸家傳至下廻分解處惟恐終也不亦知味之言獨得之見耶

太巖馬暉跋

對以拙名非真拙也乃自謙也又以惡世之以巧自銜者也近世坊間所刻對句不下數十種往往皆以巧名彼豈不自知其弗巧耶然而必

以巧名者欲其易售耳中麓李子近亦有對句千聯而邑人親厚者刊焉實則精巧之尤者也顧乃自題其卷曰拙對是不與世人大相反哉於戲余於此可見中麓之心矣老子云大巧若拙杜子云用拙存吾道歐陽子自表云時多喜新巧而臣惟守拙然則中麓之以拙名對者其亦三子之意歟若徒謂其以對句與人爭巧拙恐非中麓之意也余故贅數言於末簡以爲知者道焉

泰峰陳德安跋



中國國家圖書館  
NATIONAL LIBRARY OF CHINA

易有聯玉春秋有類對賦又有群書類句五經  
類語是經學且有資於對句矣况乎其他哉中  
麓對至千餘不但自幼所長亦猶饔飧之切於  
朝夕裘葛之切於冬夏日用而日見珍爾述菴  
劉丕緒嘗同予問於中麓中麓自言對誠切於  
日用吾對非饔飧裘葛比也予二人辭出語諸  
途曰中麓每事不苟出言必謙生平大率類此  
因筆之於書以殿諸君之佳跋云

東山袁學詩跋



中国国家图书馆  
NATIONAL LIBRARY OF CHINA



中国国家图书馆  
NATIONAL LIBRARY OF CHINA